



Priljeno: 14-10-2021			
Org. jed.	Broj	Priloga	Vrijednost
01,02	- 02-	1264	/16

**UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE**  
**ŠUMARSKO UDRUŽENJE FEDERACIJE BOSNE I HERCEGOVINE – UŠIT FBiH**  
**FORESTRY ASSOCIATION OF FEDERATION OF BOSNIA AND HERZEGOVINA**  
**Žiro račun: 1011010000430716 - Privredna banka Sarajevo**  
**ID: 4200201050000; P.B.: 01078773**

Sarajevo, 13.10.2021. godine  
Broj: 417/21

PARLAMENT FBiH  
PREDSTAVNIČKI DOM I DOM NARODA  
N/r Svih delegata/zastupnika u Predstavničkom domu i Domu naroda

Predmet: Amandmani na prijedlog Zakona o šumama Federacije BiH

### Amandman 1.

Član 4. Se dopunjuje sa dva nova stava koja glase:

1. Šume Visoke Zaštitne Vrijednosti (ŠVZV): Sve šume sadrže okolinske i socijalne vrijednost. Te vrijednosti mogu biti globalno, regionalno ili lokalno važne, ali kad se neka od tih vrijednosti smatra uslovom za očuvanje nekih biljnih ili životinjskih vrsta, kulturnih ili prirodnih vrijednosti okoliša, šuma se može definisati kao Šuma visoke zaštitne vrijednosti (ŠVZV).

Obrazloženje: U FBiH je certificirano oko 70% šuma i šumskog zemljišta! Na osnovu ovog koncepta gospodarenja sa šumama izdvojene su određene površine šuma u ŠVZV a koje su unešene u ŠPO/ŠGO. Ove šume sa posebnim režimom gospodarenja trebaju da budu obrađene u poglavlju Zaštitne šume i šume posebne namjene.

2. Inventurni ciklus vremenski razmak između dvije inventure šuma. Kada se radi o inventurama šuma na velikim površinama, koje mogu trajati različit broj godina, inventurni ciklus se računa kao vremenski razmak između prosječnih godina provođenja dvaju inventura koje slijede jedna za drugom.

Obrazloženje:

Pojam je potreban radi preciziranja značenja člana 8.

3. Prašuma ili tzv. primarna šuma, predstavlja prirodnu šumu koja se oduvijek razvijala bez neposrednoga antropogenog utjecaja, odnosno, šumu koja nikada nije bila posječena, te barem u teoriji, stoji nepromijenjeno milenijima, sama se obnavljajući isključivo pod utjecajem prirodnih biotskih i abiotski faktora.

Sekundarna prašuma, predstavlja prirodnu nekadašnju gospodarsku šumu, s vremenom izuzete od gospodarenja i prepuštene samoregulaciji, zbog čega su po najznačajnijim strukturnim obilježjima postale slične pravim (primarnim) prašumama.

4. Šumsko privredno područje je najmanja trajna prostorna uređajna jedinica šuma i šumskog zemljišta na kome se obezbjeđuje trajnost gospodarenja i obuhvata šume u državnom vlasništvu. U geografskom, prometnom, ekološkom i ekonomskom pogledu predstavlja jednu zaokruženu cjelinu.

5. Šumsko privredna osnova je dugoročni planski akt kojim se definiše gospodarenje gazdovanje šumama na principu kontinuiteta gospodarenja gazdovanja, polifunkcionalnosti i ekonomičnosti unutar jednog





**UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE**  
**ŠUMARSKO UDRUŽENJE FEDERACIJE BOSNE I HERCEGOVINE – UŠIT FBiH**  
**FORESTRY ASSOCIATION OF FEDERATION OF BOSNIA AND HERZEGOVINA**  
**Žiro račun: 1011010000430716 - Privredna banka Sarajevo**  
**ID: 4200201050000; P.B.: 01078773**

šumsko privrednog područja za državne šume ili općine za privatne šume. Sadrži podatke o stanju šuma i šumskih zemljišta, kao i planove koji će se realizovati u šumama u uređajnom period.

### **Amandman 2.**

**Član 9. Se dopunjuje sa novim stavom (7) koji glasi:**

Prvilk o sadržaju, kriteriju i načinu izrade Elaborata iz stava (5) ovog člana, donosi Federalni resorni ministar.

Obrazloženje:

Da bi neka institucija ili preduzeće mogalo raditi navedeni Elaborat mora ispunjavati i određene uslove, od stručnih i tehničkih kvalifikacija.

### **Amandman 3.**

**Član 10. stav (4) se briše i isti glasi:**

1. Ukupan planirani obim sječa (etat) predviđen šumsko privrednom osnovom za uređajni period, po vrstama drveća, grupama vrsta drveća (četinari i lišćari) debljinskim i kvalitetnim klasama širih kategorija šuma proizvodnog karaktera, mora se ispuniti u tolerantnom odstupanju.

2. **Tolerantno odstupanje** realizovanog od planiranog obima sječa se računa na osnovu relativne greške procjene prosječnih veličina taksacionih elemenata šuma, na osnovu kojih je etat određen proširenim klasifikacionim jedinicama - kategorijama šuma za područje, kao cjelinu i po području pojedinih općina unutar ŠPP. (npr., za sve visoke šume sa prirodnom obnovom šumskoprivrednog područja  $\pm 2\%$ ).

3. Izuzetno, veće odstupanje se može opravdati jedino razlozima (višom silom), na koje korisnik šuma nikako nije mogao uticati, kao što su veliki požari pred kraj uređajnog perioda, ili kalamiteti insekata koji su nametnuli nenormalno visok obim sanitarnih sječa pred kraj uređajnog perioda, ili globalni poremećaj u potražnji šumskih drvnih sortimenata, kada se može opravdati neispunjenje etata. Od određenog etata za uređajni period, za sve visoke šume sa prirodnom obnovom, u okviru šumsko privrednog područja, godišnje se realizuje jedna desetina.

Obrazloženje:

Nerealno je zahtijevati strogo obavezujući plan sječa po gazdinskim klasama, čak niti ukupno, a kamoli po debljinskim klasama i vrstama drveća, radi visoke greške procjene ovih podataka za nivoe gazdinskih klasa. To nije realno niti za gospodarske jedinice manje površine.

### **Amandman 4.**

**Član 10. Stav (5) se briše i isti glasi:**

Kada se u jednoj ili više proteklih godina uređajnog perioda realizuje manje ili više od predviđenog godišnjeg obima sječa u okviru šumsko privrednog područja, mora se u narednim godinama uređajnog perioda realizovati preostali dio planiranog obima sječa, tako da se obezbijedi njegovo ispunjenje za uređajni period.

Obrazloženje: